



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მტკვრის გოჭალა



მტკვრის გოჭალა

მტკვრის გოჭალა (*Barbatula brandtii*, Kessler, 1877), სამხრეთ კავკასიის ენდემური თევზი ხლაკუნასებრთა ოჯახისა (Cobitidae). მისი სიგრძე 8,5 სმ-მდეა, მასა - 4,5 გ.

მრავლდება მაისიდან აგვისტომდე, ნაყოფიერება - 3000-5000 ქვირითი. ბინადრობს მდინარეების შუა და ზემო დინებებში, ირჩევს წყალმცენარეებით მდიდარ ქვაქვიშიან ადგილებს, იშვიათია წყალსაცავებსა და ტბებში. იკვებება პლანქტონით, ბენტოსით და თევზის ქვირითით. გავრცელებულია აზერბაიჯანში, სომხეთში, ირანში.

საქართველოში გვხვდება მტკვარსა (მთელ სიგრძეზე) და მის შენაკადებში (ხრამი, არაგვი, ქსანი, ლიახვი, ფოცხოვი, ალაზანი), იორსა (მთელ სიგრძეზე) და მის შენაკადებში, ჯანდარის ტბაში, პალდოს, თბილისისა და სიონის წყალსაცავებში.

ნ. ნინუა
